

2016 PILLUGU UKIUMUT NALUNAARUT

Transparency International tassaavoq nunarsuarmi peqquserlutsaaliuinnermik suliniaqatigiffiit nuimnersaat. Suliniaqatigiiffiik nunarsuaq tamakkerlugu 100-ut sinnerlugit ilaasortaqqarpoq Berlin-imilu qitiusumik allattoqqarfeqarluni. Peqquserlunnerit ajornartorsiutaanerat uppernaasorsorlugu malugitinniartarparput suleqatigaagullu naalakkersuisut, inussutissarsiornermik ingerlataqartut aammalu inuiaqatigiinni innuttaasut pilersinniarsaralugit suleriaasissat, peqquserluttarnermik kimilimmik unitsitsinutaasinnaasut.



AALLARNIUT

2016-imi Transparency Internationals Global Corruption Barometer –imit nalunaarsukkat kingullerpaat pisortatigoortumik avammut saqqummiunneqarput , tassanilu siullerpaamik Kalaallit Nunaat ilaavoq. Taamallu ilisumik peqquserlunniartarneq pillugu innutaasut qanoq isumaqarnerat aallavigalugu uuttortaanermi Kalaallit Nunaat siullerpaamik ilaalerpoq. Saqqummiussallu takutippaat, ataatsimoorluni suliniuteqartoqartariaqartoq ukiuni kingullerni peqquserlutsaaliuniarneq ammanerusumillu suliniarneq pillugu angusat pitsaasut avataanit paasineqarnissaat anguneqassappaata, aammalu takutinneqarluni ernumassuteqarani naapertuutinngitsunik pisunik oqaatiginnissinnaaneq erseqqissarumallugu nukittuunngortikkumallugulu suliniuteqartuarnissaq pisariaqartoq.

Transparency International Greenland 2016imi inuit piginnaatitaaffii pillugit suliffeqarfinnut ilitsersuusiasaq saqqummersippaa. Kommunilu siulleg ilaasortarilerparput periarfissaqalernikuullutalu, ingeelatat suleqatigiinnerillu soqutiginartut aqqutigalugit, allattoqarfitsinni sulisoqarnerput annertusalaassallugu. 2016-imilu februarip qaammataa-

ni aamma takuneqarsinnaavoq, Inatsisartuni ilaasortat tamarmiusut nittartagaq inatsisartut.gl aqqutigalugu suliffitik soqutigisaqarfigisatillu nalunaarutigisimasaat – tamanalu tassa siullerpaamik anguneqarluni pivoq.

2017-imi suliniarnitta nanginnissaa sakkortunerulernissaalu qilanaarivarput. Global Corruption Barometerillu erseqqissumik takutippaa, innutaasut isumaqarluinnartut, peqquserluttarneq imaluunniit peqquserlunniartarneq avataanit takuneqarsinnaasunngortinneqartariaqartoq, aammalu takuneqarsinnaavoq peqquserlunniarnermik nalunaarutiginnissisaq nalunaarutigissallugu akuersaarneqartoq. Pissutsit taaneqartut itut suleriaqqinnissamut nukissaqalersitsipput.

Inussiarnersumik inuulluaqqusilluta
Transparency International Greenland-imi siulersuisut
Anita Hoffer, siulittaasoq

Jakob Strøm, Tine Pars, Dora Dreschel, Mikael Hertig,
Bolette Maqe Nielsen

AQUTSISUT NALUNAARUTAAT

PISUNI PINGAARNERSAASOQ

Transparency International Greenland NGO-tut ingerlavoq (pi-sortanut attuumassuteqanngitsumik suliniaqatigiiffiuvoq), suliniutigivaalu Kalaallit Nunaanni peqquserlunniarsinnaanermik pitsaaliuinissaq, nunarsuaq tamakkerlugu suliniaqatigiiffiusup Transparency Internationalip ataani. Transparency International Greenland pilersineqarpoq ukioq 2015, sumiiffimmi peqatigiiffittut TI-p ilaasortaatus akuerisaalluni.

Peqatigiiffiup anguniagarai nunami najugaqarfigisami aammalu nunarsuaq tamakkerlugu peqquserlutsaaliuinissaq, suleqatigalugu Transparency International (TI). Peqquserlunneq isumaqartinneqarpoq, pissaanermik tatigineqarluni tigusimasamik, immi-nut iluaquserniarluni, atornerluineq.

Peqatigiiffiup peqquserlunniartarneq akiorpaa pisortanit aqut-sinerit, suliffeqarfimmi inuiaqatigiillu siammasissumik isigalugit, avammut ersittumik ingerlariaaseqarlutillu ingerlanneqarnis-saat, tamannalu ingerlanneqarpoq avammut tusaqqusaarutigalugu ersersitsiniar nikkut aammalu peqquserlunneq ajoqutaalu pillugit paasititsiniaanermik ingerlatsisarnikkut.

Peqatigiiffiup pisussaaffigivaa Transparency Internationalip maleruaqqusai makkunatigut malissallugit:

- Inatsisiliornerit, privatini pisortallu ingerlataasa iluini allaf-fissornikkut suleriutsit il.il malittarilluarlugit maluginiarlugit pissusilersornerit, peqquserlunniarnermut aggersaasutut imal. pinaveersaartitsinerit itut, aammalu
- Maluginiarlugit suut sanngiiffiusinnaasut pitsanngorsarne-garnissaannullu atatillugu siunnersuuteqartarnikkut.

INGERLANNEQARTUTIGUT INERIARTORTITSINEQ AAMMALU ANINGAASAQARNERMUT TUNNGASUT

Ingerlanneqartut annertoqaat, killilersuutaallunili aaliangersima-sumik allattoqarfeqannginneq aammalu piffissaq ungasinne-rusoq isigalugu patajaanerusumik aningaasaqarniarnikkut tunngaveqannginneq. Transparency International Greenland periusissiorpoq Transparency Internationalip 2020-ip trungaa-nut periusissiai malillugit. Transparency International Green-land peqataalluartaq pisortat tusarniuteqartillugit aammalu ataatsimiititsisoqartillugu, ilaatigut kisimiilluni ilatigullu NGO-t suleqatigisat allat peqatigalugit, 2016-imilu Kalaallit Nunaat siullermeerluni Global Corruption Barometerimi ilannguppoq kiisalu Transparency International Ukiumoortumik ataatsimiit-timmat aammalu Panama Citymi peqquserlunnaversaartitsineq (IACC) tunngavigalug ataatimeersuartitsimmat inunnik sisama-nik allartitaqarluni peqataatitsilluni.

2016-imilu Guide til Virksomheders arbejde med Menneskeret-tigheder og Global Corruption Barometer Hovedkonklusioner fra Grønland (nunatsinni suliffeqarfiit inuit piginnaatitaaffii aamma Global Corruption tunngavigalugit uuttortaanermi pingaarnertut nalliiinerit pillugit quppersagaliamik saqqummiussivoq).

Ukiumi angusat 111 t.kr.-inik amigartooruteqarfiupput, 2015-imi 315 t.kr.-nik sinneqartooruteqartorsimasooq (taakku iluini 175 t.kr.-t 2017-imi ingerlanneqartussatut naatsorsuutigis-amat illikartinneqarlutik). Peqatigiiffiup aningaasaqarniarniarni tunngaviupput ilaasortat akiliutaat aammalu aningaasaateqarf-inniit tunissutisiat. Soorlu 2016-imi GrønlandsBANKEN-ip Inus-sutissarsiornermut Aningaasaateqarfia ingerlanniakkanut allat-toqarfiullu ingerlanneqarneranut 250 t.kr.-nik tunniussaqqarpoq.

SAQQUMMIUSSAT

SULIFFEQARFIIT INUIT PIGINNAATITAFAFFII PILLUGIT SULINISSAANNIK ILETTERSUUT

Suliffeqarfii inuit piginnaatitaaffii tunngavigalugit sulinissaannut ilitsersuusiaq suliarineqarpoq CSR Greenland suleqatigalugu aningaasalersuutigalugit aningaasat Kalaallit Nunaanni Innut-taasut Piginnaatitaaffii Pillugit Siunnersuueqatigiinnit pissarsiat.

Ilitsersuusiaq sakkutut atoruminartuusooq suliffeqarfiillu inuit pi-ginnaatitaaffiit tunngasut suunerinik paasinninnissaannut atoruminarsagaasooq.

Ilitsersuusiaq pineqartoq ilisaritinneqarpoq "Piginnaatitaaffiit ul-laakkorsiutissallu"-mik qulequtserlugu suliffeqarfinnik ullaakut katersuutsisinerimi. Ilisarititsinerlu najuuttunit tikilluaqqulluar-neqarpoq.


GLOBAL CORRUPTION BAROMETERIMUT ATATILLUGU KALAALLIT NUNAANNI PINGAARNERTUT INAARINERIT

Novemberip qaammataani Transparency International's Global Corruption Barometer-imi inernerit saqqummiunneqarput, tas-sanilu siullerpaamik Kalaallit Nunaat ilaalluni. Nunatsinnit akis-sutit Pingaarnertut nalliiinerimi katersorneqarput, kisisisat alla-nut sanilliusuunneqarlutik ilanngullugit TIG-mi siulersuisunit inaa-sutigiumasat. (Takussutissiissusiaq takuuk).

2015 MILEPÆLE

TAKUSSIITISSIUSIAO 1

- **Februar:** Together against corruption – TI-p IG-llu periusissiai
- **April:** Panama Papers pillugit ataatsimeersuartitsillunilu oqallitsitsineq
- **Juni:** Akisussaassusilimmjik pisiniartarneq sammillugu
- **August:** Allattoqarfimmi sulisut pilersaarusionermik ullup affaani suliaqartartussamik ilapput
- **September:** Piginnaatitaaffiit ullaakkorsiutillu – suliffeqarfiit inuit piginnaatitaaffii tunngavigalugit sulinissaannut iiltsersuusiamik saqqummiussineq
- **Oktober:** TI Lithauen aamma TI Rusland peqatigalugit suleqatigiissutissamut Nordisk Ministerråd-iminngaanniit aningaasaliisoqarpoq
- **November:** GCB-mit misisuinermi angusat avammut saqqummiunneqarput Kommuneqarfik Sermersok ilaasortangorpoq
- **December:** AAM-imi aamma IACC-mi inuit sisamat peqataatinneqarput FN-ip peqquserlutsaaliuinarluni sulinermut ullorititaa Nuuk Centerimi malunnartinneqarpoq.



2016 assutaasit ulapaarfiusimavoq. Siulersuisut ukioq aalartippaat ukiuni tulliuuttuni periusissamik pilersaarusiortlutik.

Nukittuumik siammasissumillu peqquserlunnerup pitsaanngitsumik sunniutigisinnaasaannik paasinnineq "National Building"-imik aallaaveqartumik anguniarneqarpoq. Namminermi nikorfaffissatsinnik nassaartariaqarpoq, aqqutaanilu allat iluatsittumik kukkusutullu misigisimasaat ilinniutigalugit.

Transparency International Greenlandip ukiunut 2016-2020 periusissiai Transparency Internationals strategi 2020: *Together Against Corruption*-imi tunngavissiaasut naaper-torlugit ilusilerneqarput.

Makkulu pingaarnertut aalianginneqarput:

- Pikkoriffiginnerusavarput piffissaq annertunerpaamik sunniuteqartunut atussallugu. Tassa imaappoq, nalileru-tsigu, sunniiniarnikkut angusat pitsaanerusut angusin-

naallugit, taava tamanna aqutigissavarput kingornalu angusagut avammut paasissutissiissutigalugit. Nalileru-tsiguli iliuuseriniakkatsinni innuttaasunit siammasissu-mik tapersersorneqarnissarput angusaqarfiunerpaajus-sasoq, taava tamanna aqutigissavarput sapinngisarput tamaat atorlugu iluatsinniarlugu, soorlu assersuutigalugu paasitsiniaanernik ingerlatsinikkut.

- Suliniaqatigiiffitsinni torersumik arlaannaannulluunniit attuumassuteqanngitsumik ingerlanissaq attatiinnassa-varput allanit allat sunnernerneqaraluaruttaluunniit. Siulersuisuni upperilluinnarparput, akimut ersittumik ingerlatsineq peqquserlunniarneq akiorumallugu sule-riaasissatsialaanerpaasoq.
- Isumaqaarpugullu kikkut tamat oqaasissaqaqatinneqar-nerat eqqortumik ingerlatsinissamut aqutissaasoq taa-mallu aamma akimut ersittunik aaliangiarnissamut aqutissaasoq. Taamatut suut ataqatigiinnerat ilaatigoo-riarluta avataanit suleqatigisatsinnut nassuuartassavar-put. Kisianni tassa upperaarpur akimut ersittumik sule-riaaseqarneq, innuttaasunik akuliutsitsineq aqutigalu-gu kalaallit Nunaanni pitsaasumik ilusilersuiniussamut aqutissiuqataasinnaassalluta.

Imaangilaq TIG-mit avataanit nakkutiginnittut inissisima-neq qimatarniarippur, nakkutilliisoq akiuussinnaassuseqar-toq, uparuartugassaqaaraangat sastersinnaasoq. Taamatut inissimanagerput nuannaraarpur ingerlatinnassavarpullu iner-iartortittuarlugulu. Kisianni aamma suleqateqarneq oqaloqa-tiginnilluarternerlu ineriartortissavagut, taamatut iliornikkut isumannaarumallugu kalaallit Nunaat avammut ammasumik peqquserlunniarfiunngitsumillu ingerlasoq.

INGERLANNEQARTUT ALLAT



GLOBAL CORRUPTION BAROMETER

Peqquserlunnermut isummanik katersuinermi (Global Corruption Barometer) akissuteqartut affai isumaqarput, nunatsni peqquserluttarneq ukiuni kingullerni ajorneruler-simasoq. Akissuteqartullu pingasuugaangata taakkunannga marluk isumaqarput, Naalackersuisut tungaannit peqquser-lunniartarneq akiorniarlugu suliniuteqarneq annikippallaar-toq. Transparency International Greenland isumaqarpoq, siu-ariartortoqarsimasoq, kisiannili pisariaqartuarsinnartoq ataasimoorluni siunnerfilersugaalluurtumik ingerlatsinissaq.



ANNUAL MEMBERSHIP MEETING AAMMALU INTERNATIONAL ANTI CORRUPTION CONFERENCE, PANAMA

Transparency International-ip ukiumoortumik ataatsimiititsi-nera piaarinaatsoonerinnakkut – eqquilluarnertulli taasa-riaqarunartumik – decemberip qaammataagaa Panamami ingerlanneqarpoq. Qujanartumik Tips- og Lottomidlerne ani-ngaasaliigallartillugu TIG peqataatitassanik 4-nik ukiumut ataatsimiititsinissamut aallartitsivoq kinguneratigut aamma peqquserlutsaaliuineq pillugu ataatsimersuartsinissamut peqataajartortunik. Peqataaffinni saniatigut workshopinik ar-laqartunik ingerlatsisoqarportaaq, tamakkulu aqputigalugit pissarsiat attaveqarfiliikkallu TIG-p siunissami sulinissaanut tunngavissiilluarput – soorlu:

- Inuusuttut pillugit sulineq – peqataasummi akornani arlaqartut sunaaffa aamma inussuttunut tunngasunik suliaqartut
- Red Flags –Transparency International Ungarnimit sullis-sissusiatut pilersitaq atorlugu tikuussissutigineqarlutik takutissorneqarput pisortat pisiniarnerini suni navialiso-qarsinnaasoq
- Allatut iliorluni peqquserlunnerit unamminartuinik malugssartitsineq. Run against Corruption taamatut ingerlanneqartut ilaattut assersuutigineqarsinnaavoq.

Assersuutitullu taaneqartut siunissaq isigalugu isumassarsi-orfissaqqissuupput.



PANAMA PAPERS PILLUGIT OQALLITSITSINEQ

2016-imi aprilip qaammataagaa Panama Papers, akileraa-rumanani toqqorterisarnerit, ernumassuteqarani eqqunngit-suliiutinik nalunaarutiginnissinnaaneq aammalu nukittuumik innuttaasut oqartussaaqataaffigisinnaasaannik inuiaqatigiit aqqissuussaanissaannik annertuumik oqallinnernik pilersit-sipput. TIG-lu ataatsimeersuartsimmat GrønlandsBANKEN aammalu Akileraartarnermut Aqutsisoqarfik Kalaallit Nu-naanni navialiffiusinnaasut isumannaallisaanerlu pillugit oqa-luttuarput. Saqqummiussat soqutiginarlut kinguneratigullu oqallilluarnermik pilersitsisut.



AKISUSSAASSUSEQARTUMIK PISINIARTARNISSAQ PILLUGU KATERSUUFFIK

CSR Greenland-imit pilersinneqarnikuuvoq, tassungalu TIG qaaqqusaanikuulluni suliamullu atatillugu Siunnersuisooqati-giinni issialerluni. Akimut ersittumik sulineq peqquserlut-saaliuinerlu ilaapput Forum for Ansvarligt Indkøb-ip (Akisus-saassuseqartup pisiniartarnermut Katersuuttarfiliaani) pinga-sunik immikkoortuligaasumik tunngavissiaani.



KOMMUNEQARFIK SERMERSOOQ ILAASORTATUT IVERTINNEQARPOQ

Kalaallit Nunaanni kommunini siullerpaalluni Kommuneqarfik Sermersooq ilaasortanngorpoq. Suliarineqarporlu kommunit atugassaattut peqquserlutsaaliuinerlut quppersagaliaq.

Kommunimut toqqaannartumik nammeneq saaffiginnineq Transparency International 2015-imi ataatsimeersuarneranit isumassarsiaavoq, tassani TIG-mit malugineqarmat TI Norge Kommunillu qanimut suleqatigiittut, tamannalu nunatsinni aamma iluatinnaateqartoq.

2017-IMUT ATATILLUGU TAKORLUUKKATUT NAATSORSUUTIGINEQARTUT

Periusissiaasoq aallaavigalugu TIG-p 2017-imi Kalaallit Nunaanni, FN-ip nunarsuaq tamakkerlugu siunnerfittut anguniagai, minnerunngitsumillu taakkunani nr. 16 (Eqqissineq, Naapertuilluarneq aammalu Ingerlatsiviit Nukittuut) timitaleeqataaffi-giniarsinnassavai. Tamakkulu anguniarneqasapput siunnerfilersugaalluagaasumik ingerlatsinerit aqqu-tigalugit. Maannamullu taaneqareersinnaapput:

Oktoberip qaammataagaa TIG TI Lithauen aamma TI Rusland peqatigalugit Nordisk Minitserråd-imit aningaasaliiffigineqarnissamik akuersaarneqarput suliffeqarfinnik pitsaasumik aqutsinermut tunngasunik qulaajaaniarluni aammalu pisortani siulersuisuni ilaasortassamik toqqaqanerit akimut ersittumik ingerlanneqarnissaannik suliniuteqarnissanut kiisalu kommunit maanna suleriaatsiminnik allannguisariaqar-

nissaannik qulaajaaniarnernut atugassamik. Ingerlanniakkat 2017-imi piviusunngortinniarneqarput.

Siullermeersumik kommunimik TIG-mi ilaasortanngortoqarneranut atatillugu kommunimi sulisunut ilitsersuusiamik quppersagassamik suliarinnittoqarpoq, tassani peqquserlutsaaliuinerit atatillugu ilinniartitsinissat saniasigut 2017-imi pineqarsinnaasunngortussamik.

TIG aamma Kalaallit Nunaanni Inuit Piginnaatitaaffii Pillugit Siunnersuisooqatigiinnit aammalu Tips og Lottomit aningaasarsapput suliarisinnaanngorlugit peqquserlutsaaliuilluni sulinissamat ilinniusiassat. Taakku kalaallisut qallunmaatullu suliarineqasapput Kalaallit Nunaannilu atuarninut pineqarsinnaalissallutik 2017-imi atuarnep aallartinneraniit. Tips og Lottolu aamma suliap inaarsarlunnaarnissaanut aamma tapiissuteqarpoq.

TRANSPARENCY INTERNATIONAL

NUNARSUAQ TAMAKKERLUGU PEQQUSERLUNNIARTARNEQ AKIORNIARLUGU SULINIAQATIGIINNERMIK INGERLATSIVIK

TI-p takorluugaa tassaavoq anguniassallugit nunarsuaq tamakkerlugu naalakkersuisut, politikkerit, inuussutissarsi- ornerup, inuinnaat akornanni ullunnaarluni inuunerup ingerlanerini pissutsit peqquserlunniarfionngitsut. Tamakkulu anguniarpai ussasaarutigalugit avammut nipituuliutigsarlugit akimut ersittumik sulinissaq, akisussaaqataaneq aammalu sutigit tamatigit sumiiffinnilu tamani tutsuiginassuseqar- nissaq.

Suliniaqatigiiffik nunarsuaq tamakkerlugu peqatigiiffinit (chapterinit) ilaasortaaffigineqarpoq ataatsimoorussamillu Berlinimi allattoqarfeqarluni. TI peqquserluttarnerit pillugit uppernarsaasersuillunilu soqutigisaarisarpoq aammalu naa-

lakkersuisut, inuussutissarsiortut, inuiaqatigiillu suleqatigalugit pilersinniarlugit nakkutilliissutit, peqquserluttarnerit kimilimmik unitsitsiniutaasinnaasut.

Sumiiffinni peqatigiiffiit inuiaqatigiinni sutigit pituttorneqar- ratik ingerlasuupput, taakkulu najugarisaminni nalunaarsu- gaapput nunarsuarlu tamakkerlugu suliniaqatigiiffimmut attaveqartiterlutik. Ilaasortatut ingerlasut tamarmik immik- kut siulersuisoqarput, ilaasortaqlutik, periusissamik tulle- riaagaqarlutik, pilersaaruteqarlutik aammalu namminneq ingerlatsinissaminut aningassarsariortarlutik. TI-p allatto- qarfiata atimini ilaasortaasut ilisimasatigit sakkussatigullu ikiortarpai, soorlu Corruption Perception Index, Global

Corruption Barometer, NIS-metoden il.il. atorlugit, kisianni-li immineq ilaasortaasunut aningaasassarsiuusisartuunani. Allattoqarfiullu sumiiffinni ataasiakkaani nunarsuarlu tamakkerlugu pisussamik ataatsimiinnissanik aqqissuussisarpaq, tamakkunanilu peqatigiiffiit TI-mit siammasissumik isigalu misilittakkanik, nutaanik suleqatissarsiornikkut aammalu ilisimatusarnikkut, suliniuteqarnikkut il.il angusatigut paarlaasseqatigiittarlutik.

Transparency International Greenland (TIG) ilusilersukkap pineqartup ilagivaat tassanngalu TI-p takorluugai tapersersorneqarput. Ullumikkut peqquserloriaatsinik aammalu avammut matoqqasumik sulinernik, tamakkulu TIG-mit suu-

nersut misissortariaqarput, taamak iliornikkut peqquserlutsaaliuiniarnerput "tummarfissaqalerniassammat".

Kalaallit Nunaanni inuunnaat ingerlataannik suliniaqatigiiffiit mikisuinnaapput aningaasassaqpallaartuunatillu, tamakkulu pequtigalugit amigaataapput isorinnissinnaassuseqarlutik ingerlasinnaasut nukittuut politikereit atorfillillu suliaannik malittarinnillutillu akisussaatisiniarsinnaasut. Aamma tusagassiuutit aningaasassaaleqisuupput piginnaaneqarnikkulu isornartuisinnaassutsimut inorsartarlutik. Isornartuisagaannimi pisariaqartinneqarput ilisimasaqarneq teknikikkulu piginnaaneqarneq.

TIG-MI AKULERIISSITAARNEQ

Siulersuisuni issiapput inuit tallimat sinniisussallu marluk, tamarmik 2016-imi aprilip qaammataani TIG ataatsimeersuartsimmat qinigaanikuusut. 2016-imi decemberip qaammataani siuwersuisut imatut katitigaapput:

Anita Hoffer, siulittaasoq

Jakob Strøm, Tine Pars, Ivalo Egede, Dora Dreschel, Bolette Maqe Nielsen, Mikael Hertig

Siulersuisuni immikkut ilisimasallit taaseqataasinnaatitanngitsut marluk issiapput:

Anne Mette Christiansen aamma Thomas Trier Hansen.

ANINGAASAATEQARFIIT TUNISSUTEQARSIMASULLU

- GrønlandsBANKENip Inuussutissarsiornermut Aningaasaateqarfia allattoqarfiup ingerlannissaanut ingerlanniakkallu allat ikorfartorumallugit 250.000 kr.-nik tuniussaqaqarnikuuvoq.
- Tips & Lotto Pulje C; kr. 90.000 ingerlatsinermut ininillu attartornermut tunniussaqaqarnikuuvoq
- Tips & Lotto Projektstøtte Pulje C: kr. 59.914 peqquserlunnaveersaartitsinissap pillugu ilinniartitsinerni atorussanik sanatitsinissamut, AMM-imut aammalu
- Panamami IACC konferencemi peqataatitsinissamut 65.000 kr.-nik tuniussaqaqarnikuuvoq.
- Inuit piginnaatitaaffii pillugit siunnersuisooqatigiit tunniuttagaannit 25.000 Kalaallit Nunaanni peqquserlutsaaliuineq pillugu ilitsersuussisamut 25.000 kr.-nik tunniussaqaqarnikuuvoq.
- Tele Greenland; Allattoqarfiup akeqanngitsumik internet-eqarnissaa isumagivaa
- Grønlands Erhverv/Sulisitsisut Peqatigiiffiat; Naatsorsuuserinermut ikiuinermik tunniussivoq.

